



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1702. usque ad annum 1708

**Fleury, Claude**

**August. Vind. [u.a.], 1781**

**VD18 13322648**

§. 40. Pontificii belli initia.

---

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

in Italiæ solo tumultuariis delectibus, Sæc. XVII.  
 exercitum viginti octo millibus validum A.C. 1708.  
 contraxit, & Marsilium Comitem,  
 quem Imperator ob præmaturam Bri-  
 facci deditioem exauctoraverat, ex  
 Francia evocavit, eumque supremum  
 Pontificii exercitus Imperatorem con-  
 stituit, pluresque militares Præfectos  
 ex Galliis submissos excepit, denique  
 die decima sexta Julii epistolam ad Cæ-  
 sarem dedit, in qua inter alia sic scrip-  
 sit: *Desiste, Fili, & ad reverentiam Ec-  
 clesie debitam etiamnum animam tuam re-  
 voca: obliviscemur Nos injuriarum, ac  
 Te tanquam primogenitum Filium dilige-  
 mus; sed si perstabis in tanta intemperantia  
 consilii, abjiciemus Patris clementiam, &  
 in Te, tanquam rebellem filium, excom-  
 municatione & armis, si opus fuerit, anim-  
 advertemus &c.*

§. XL.

*Pontificii belli initia.*

Quamvis Prius Marchio Cæsaris Le-  
 gatus, ut hanc controversiam amica  
 transactione dirimeret, Romam venis-  
 set, atque Imperator novis, minaci-  
 busque mandatis præcepisset, ne quid  
 usque Pontificiis hostile fieret, nihilo-  
 minus Pontificii Comaclum tam arcte  
 circumcluserunt, ut fame periisset, nisi  
 Ter-



Sæc. XVII. Tergestini navim annona onustam sub-  
 A. C. 1708. misissent: insuper Cæsareas quatuor  
 naves frumentarias secundo Pado de-  
 fluentes, hostiliter impetiere, atque  
 ex illis unam non sine mutua cæde ad  
 Lagoscurum captivam duxerunt: Pau-  
 lopost rustici Argentiani exulum sic-  
 riorum manipulo aucti, unacum civi-  
 bus æris campani sonitu accitis in Cæ-  
 sareos irruunt, confossoque Centurio-  
 ne, ac triginta partim cæsis, partim  
 lauciis ceteros in fugam agunt, eadem  
 clade equestrem stationem ad Ostella-  
 tam oppressuri, nisi tempestive cavere  
 jussis auxilium venisset: Postea aucta  
 animorum acerbitate omnis ferme po-  
 pulus Ferrariæ in armis erat, & Pon-  
 tificius Legatus Cardinalis Casonus,  
 quamvis Urbem strenue quidem defen-  
 dere jussus, Cæsareos tamen prior de-  
 fendere vel aggredi, usque dum par-  
 resistendo foret, prohibitus esset, ni-  
 hilominus, quicquid erat pabulorum,  
 rerumque utilium in Urbem, clausu-  
 que in oppida convehi jussit, & Ra-  
 venatensem Cursorum Magistrum ob  
 proditam Cæsareis urbem Magnavac-  
 cam in vincula conjecit: rustici etiam  
 ad insidias inter dumenta latentes, non  
 raro Equites Cæsareos aggressi Viscon-  
 tiæ Centurionem, publicæ licet securi-  
 tatis literis munitum, rebus omnibus  
 spo-



spoliatum, ac tantum non interfece- Sæc. XVII.  
 runt, tresque Cataphractos immaniter A. C. 1708.  
 trucidarunt, latiusque propagata fu-  
 rendi libidine integri pagi campano ære  
 ad arma capienda exciti in pabulatores  
 Cæsareos effusi sunt.

§. XLI.

*Actum de pace inter Papam &  
 Cæsarem.*

Ne vero Cæsarei a Pontificiorum ar- Lambert.  
 mis inulti lacesserentur, Daunius Tom. V.  
 ex Pedemontanis Alpibus redux, cum pag. 252.  
 suo exercitu in Pontificiam ditionem  
 sese latius diffundere, nil tamen hosti-  
 liter agere, sed rem ita moderari jus-  
 sus est, ne hostem provocare videretur;  
 ipse etiam Imperator Pontifici perscri-  
 psit, se a retrahendis a Ducatu Ferra-  
 riensi copiis suis paratum esse, dum-  
 modo vicissim Papa polliceretur, se  
 nulli noxæ futurum præsidio, quod Co-  
 maclio imposuisset, eoquod hunc co-  
 mitatum jam a nongentis annis Juris  
 Cæsarei esse, ex investituris per tot Sæ-  
 cula traditis pateret: Sub idem tem-  
 pus Cardinales Marefcottus, Carpegna  
 & Pamphilus sese hujus simultatis me-  
 diatores offerebant, ac totius Collegii  
 nomine literas ad Cæsarem dederunt,  
 in quibus propensum Pontificis animum  
*Hist. Eccles. Tom. LXVII.*      Ax      erga